



Broj:  
Maglaj,

**PRIJEDLOG**

Na osnovu člana 2.12. stav (5) Izbornog zakona BiH („Službeni glasnik BiH“, br. 23/01, 7/02, 9/02, 0/02, 25/02, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 54/17, 41/20, 38/22, 51/22 i 67/22), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22-prečišćen tekst, 13/22 i 78/23) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na \_\_\_\_ redovnoj sjednici, održanoj \_\_\_\_\_ godine, donosi

### **ODLUKU**

#### **o imenovanju dva člana Komisije za provođenje postupka po Javnom oglasu za imenovanje jednog člana Općinske izborne komisije Maglaj**

#### **Član 1.**

Za provođenje postupka po Javnom oglasu za imenovanje jednog člana Općinske izborne komisije Maglaj (u daljem tekstu: Komisija) imenuju se dva člana Komisije u sastavu:

1. \_\_\_\_\_, član
2. \_\_\_\_\_, član

#### **Član 2.**

Zadaci Komisije iz člana 1. ove Odluke su:

- Po zatvaranju javnog oglasa Komisija vrši pregled i klasifikaciju prijava kandidata na one koje ispunjavaju uslove tražene Javnim oglasom i na one koji ne ispunjavaju uslove, o čemu sačinjava zapisnik (Prilog 1 Uputstva – Tabela 1 i Tabela 2).

-Komisija obavještava pisanim putem sve prijavljene kandidate o rezultatima izvršene klasifikacije.

-Komisija dostavlja pisani poziv kandidatima koji ispunjavaju uslove propisane javnim konkursom koji obavezno sadrži datum i termin zakazanog intervjua.

- Komisija provodi intervju i vodi detaljan zapisnik o intervjuu koji, između ostalog, obavezno sadrži postavljena pitanja i odgovore kandidata, bodovanje i utvrđivanje rang-liste kandidata (Prilog 2 Uputstva – Tabela 1 i Tabela 2 i Prilog 3 Uputstva – Tabela 1 i Tabela 2).

Komisija sačinjava rang-listu sa redoslijedom kandidata prema uspjehu (ukupnom broju bodova) (Prilog 3 Uputstva-Tabela 2).

Komisija podnosi pisani izvještaj Općinskom vijeću Maglaj o provedenom postupku kvalifikacije kandidata i prijedlog rang-liste.

#### **Član 3.**

Ova Odluka stupa na snagu danom donošenja i biće objavljena u „Službenim novinama Općine Maglaj“.

**PREDSJEDAVAJUĆA**

Aida Bašić

## Obrazloženje

### PRAVNI OSNOV

Članom 2.12. stav (5) Izbornog zakona BiH („Službeni glasnik BiH“, br. 23/01, 7/02, 9/02, 0/02, 25/02, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 54/17, 41/20, 38/22, 51/22 i 67/22), propisano je da članove općinske izborne komisije imenuje općinsko vijeće, odnosno skupština općine, uz saglasnost Centralne izborne komisije BiH, na osnovu javnog oglasa po proceduri koju utvrđuje Centralna izborna komisija BiH posebnim propisom.

Članom 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22-prečišćen tekst, 13/22 i 78/23) (u daljem tekstu: Uputstvo) propisano je da u cilju donošenja zakonite odluke, ekonomičnosti postupka i ujednačenosti propisanih kriterija na državnom nivou, nadležni organ u postupku imenovanja člana izborne komisije postupa na sljedeći način:

a) donosi odluku o objavljivanju javnog oglasa za imenovanje člana (članova) izborne komisije, u skladu sa Izbornim zakonom BiH i propisanim procedurama sadržanim u ovom Uputstvu. Navedenom odlukom se utvrđuje: mjesto oglašavanja internet stranica i mediji (TV, radio, dnevne novine), uslovi koje kandidat mora ispunjavati, rok za podnošenje prijave kandidata, trajanje mandata izabranog člana i sl. Nadležni organ imenuje komisiju za provođenje postupka po javnom oglasu (u daljnjem tekstu: konkursna komisija), u čijem sastavu obavezno mora biti najmanje jedan član pravne struke i/ili osoba sa izbornim iskustvom.

b) pored općih uslova propisanih zakonom, tekst javnog oglasa iz tačke a) ovog člana, obavezno sadrži i posebne uslove propisane čl. 2.2, 2.3 i 2.14 Izbornog zakona BiH i čl. 2. i 3. Uputstva.

Članom 18. Statuta Općine Maglaj-prečišćeni tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

### RAZLOZI ZA DONOŠENJE

Općinsko vijeće Maglaj je aktom broj: 02-45-1-3203-1/23 od 13.10.2023. godine zatražilo od Centralne izborne komisije Bosne i Hercegovine saglasnost na Odluku Općinskog vijeća Maglaj broj: 02-45-1-3203/23 od 06.10.2023. godine, kojom se na dužnost člana Općinske izborne komisije Maglaj imenuje Emina Herceg.

Rješenjem Centralne izborne komisije Bosne i Hercegovine broj: 06-1-07-1-563/23 od 11.01.2024. godine nije data saglasnost na navedenu Odluku Općinskog vijeća Maglaj, nego je naloženo Općinskom vijeću Maglaj da provede proceduru intervjua i bodovanja kandidatkinje u konkursnoj proceduri Ume Isić. Po okončanju navedenog postupka i formiranja rang liste uspješnih kandidata, potrebno je da Općinsko vijeće Maglaj dostavi Centralnoj izbornoj komisiji Bosne i Hercegovine na davanje saglasnosti akt o imenovanju člana Općinske izborne komisije Maglaj i dokumentaciju propisanu Uputstvom.

S obzirom da Komisija za provođenje postupka po Javnom oglasu za imenovanje jednog člana Općinske izborne komisije Maglaj, koja je imenovana Odlukom broj: 02-04-1-731/23 od 26.04.2023. godine nije u mogućnosti da obavi proceduru u punom sastavu, koja je tražena od Centralne izborne komisije Bosne i Hercegovine, jer se dvije članice Komisije nalaze na bolovanju i neizvjesno je kada će stupiti na rad, u skladu sa članom 7. Uputstva potrebno je imenovati nova dva člana Komisije za provođenje postupka po Javnom oglasu za imenovanje jednog člana Općinske izborne komisije Maglaj broj: 02-04-1-730-1/23 od 26.04.2023. godine, kako bi se okončala ranije započeta procedura.

Obrađivač: Emina Hasanić

PREDLAGAČ  
OPĆINSKI NAČELNIK

Mirsad Mahmutagić